

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-3422/21
Sarajevo, 25.08.2021. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), člana 14. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke usluga – "Vršenje usluge štampanja informativnog časopisa Bilten Općine Novi Grad Sarajevo" u Otvorenom postupku, objavljenom u Službenom glasniku BiH, br. 12/21 i Portalu javne nabavke, broj obavještenja 422-1-2-42-3-24/21 od 23.02.2021. godine, na preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda ponuđača SVJETLOST BH PRINT d.o.o. Sarajevo u iznosu od 50.400,00 KM bez PDV-a, odnosno 58.968,00 KM sa PDV-om, u predmetu javne nabavke "Vršenje usluge štampanja informativnog časopisa Bilten Općine Novi Grad Sarajevo" u Otvorenom postupku, objavljenom u Službenom glasniku BiH, br. 12/21 i Portalu javne nabavke, broj obavještenja 422-1-2-42-3-24/21 od 23.02.2021. godine, shodno članu 64. stav 1. tačka b) Zakona o javnim nabavkama.
2. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o dodjeli ugovora.
3. Protiv ove Odluke dozvoljena je žalba u roku od 10 dana od dana prijema iste.

Obrazloženje

Postupak javne nabavke "Vršenje usluge štampanja informativnog časopisa Bilten Općine Novi Grad Sarajevo" pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama u Otvorenom postupku, objavljenom u Službenom glasniku BiH, br. 12/21 i Portalu javne nabavke, broj obavještenja 422-1-2-42-3-24/21 od 23.02.2021. godine.

Izvjestajem i preporukom Komisije za javne nabavke od 23.08.2021. godine, utvrđeno je sljedeće:

- da je Izvjestajem Komisije za javne nabavke roba i usluga, br. 02/12-45-4322/21 od 26.03.2021. godine u predmetu javne nabavke – "Vršenje usluge štampanja informativnog časopisa Bilten Općine Novi Grad Sarajevo" utvrđena lista ponuđača sa ponuđenim iznosom koji ispunjavaju uslove iz tenderske dokumentacije i data Preporuka za provođenje e-aukcije, shodno Pravilniku o uvjetima i načinu korištenja e-aukcije,
- da je Izvjestajem o toku i završetku e-aukcije Agencije za javne nabavke od 30.03.2021. godine utvrđena konačna rang lista ponuđača koji su učestvovali u e-aukciji,
- da je shodno provedenoj e-aukciji i utvrđenoj konačnoj rang listi ponuđača sačinjen Izvjestajem Komisije za javne nabavke roba i usluga, br. 02/12-45-4322/21 od 30.03.2021. godine sa preporukom za dodjelu ugovora,
- da je Odlukom Općine Novi Grad Sarajevo br. 02/12-45-4322/21 od 30.03.2021. godine prihvaćena ponuda PRINT GS d.o.o. Travnik sa najnižom cijenom u iznosu od 39.898 KM bez PDV-a, odnosno 46.680,66 KM sa PDV-om,
- da je ponuđač Svjetlost BH PRINT d.o.o. Sarajevo protiv navedene Odluke izjavio žalbu dana 14.04.2021. godine,
- da je Rješenjem Ureda za razmatranje žalbi Mostar, br. JN2-03-07-1136-10/21 od 23.07.2021. godine ožalbeno Odluka poništena i predmet vraćen na ponovni postupak ovom organu,
- da je u ponovnom postupku evaluacije ponuda, a shodno navodima utvrđenim Rješenjem Ureda za razmatranje žalbi Mostar, br. JN2-03-07-1136-10/21 od 23.07.2021. godine sačinjen Izvjestaj o radu Komisije i data Preporuka za ponovno provođenje e-aukcije, br. 02/12-45-3422/21 od 10.08.2021. godine, kojim je konstatovano sljedeće:

- da je Zapisnikom o otvaranju ponuda konstatovano da je zaprimljeno pet ponuda:
 1. PLANJAX KOMERC d.o.o. Tešanj sa ponudom od 59.904,00 KM sa PDV-om,
 2. PRINT GS d.o.o. Travnik sa ponudom od 72.540,00 KM sa PDV-om,
 3. SVJETLOST BH PRINT d.o.o. Sarajevo sa ponudom od 58.968,00 KM sa PDV-om,
 4. BOBO GRAF d.o.o. Istočno Sarajevo sa ponudom od 66.924,00 KM sa PDV-om,
 5. UNIONINVESTPLASTIKA d.d. Vogošća sa ponudom od 58.968,00 KM sa PDV-om.
- da je Komisija je detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da ponude ponuđača, BOBO GRAF d.o.o. Istočno Sarajevo i UNIONINVESTPLASTIKA d.d. Vogošća ne ispunjavaju uslove propisane tenderskom dokumentacijom,
 - da ponuda ponuđača BOBO GRAF d.o.o. Istočno Sarajevo ne ispunjava uslove specificirane u tenderskoj dokumentaciji pod tačkom 4.1.4. i 4.3.4. – stranice ponude nisu numerisane na način da je obezbjeđen kontinuitet numerisanja, shodno članu 8. Uputstva za pripremu modela tenderske dokumentacije i ponude.
Navedena ponuda ne ispunjava ni uslove iz tačke 4.2.1. pod h) nije dostavljena original ili ovjerena kopija potvrde o urednom izvršenju ugovora.
 - da ponuda ponuđača UNIONINVESTPLASTIKA d.d. Vogošća ne ispunjava uslove specificirane tenderskom dokumentacijom, odnosno Aneksom 8. tenderske dokumentacije – Nacrt Okvirnog sporazuma, imajući u vidu da u članu 2. istog nije unesena finansijsku vrijednost okvirnog sporazuma, te kako cijena usluge čini bitan element ugovora, shodno Zakonu o obligacionim odnosima, to se ponuda odbacuje na osnovu člana 68. Zakona o javnim nabavkama,
 - da se ponuda PRINT GS d.o.o. Travnik odbacuje, obzirom da nakon donošenja Odluke o izboru najpovoljnijeg ponuđača nije dostavio ovjernu kopiju potvrde Centralne banke BiH u roku od 5 dana na zahtjev ugovornog organa, shodno tački 3.3.3. tenderske dokumentacije kojom je propisano „Original ili ovjerenu kopiju dokumenata kojima se dokazuje ekonomska i finansijska sposobnost, odabrani ponuđač je dužan dostaviti u roku od 5 dana od dana zaprimanja obavještenja o rezultatima ovog postupka“,
 - da ponude ponuđača SVJETLOST BH PRINT d.o.o. Sarajevo i PLANJAX KOMERC d.o.o. Tešanj ispunjavaju uslove utvrđene tenderskom dokumentacijom,
 - da je neophodno postupi shodno članu 7. stav (4) i (5) Pravilnika o uslovima i načinu korištenja e-aukcije („Službeni glasnik BiH“, br. 66/16), odnosno ponovnoj e-aukciji na kojoj će učestvovati kvalifikovani ponuđači SVJETLOST BH PRINT d.o.o. Sarajevo i PLANJAX KOMERC d.o.o. Tešanj, odnosno da ugovorni organ dostavi Agenciji zahtjev za ponovno zakazivanje e-aukcije, sa obrazloženjem razloga koji dokazuju da se radi o opravdanom slučaju.

Nakon provedene e-aukcije dostavljen je Izvještajem o toku i završetku e-aukcije Agencije za javne nabavke BiH od 19.08.2021. godine kojim je utvrđena konačna rang lista ponuđača, kako slijedi:

1. SVJETLOST BH PRINT d.o.o. Sarajevo sa ponudom od 50.400,00 KM bez PDV-a,
2. PLANJAX KOMERC d.o.o. Tešanj sa ponudom od 51.200,00 KM bez PDV-a.

Obzirom da se radi o Otvorenom postupku, objavljenom u objavljenom u Službenom glasniku BiH, br. 12/21 i Portalu javne nabavke, broj obavještenja 422-1-2-42-3-24/21 od 23.02.2021. godine, da je dostavljeno pet ponuda od kojih samo dvije ispunjavaju uslove specificirane tenderskom dokumentacijom, nakon provedene e- aukcije, primjenom kriterija najniža cijena, shodno članu 64. stav 1. tačka b) Zakona o javnim nabavkama, na preporuku Komisije za javne nabavke roba i usluga, odlučeno je kao u dispozitivu Odluke.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis

